

NAMIBIA SENIOR SECONDARY CERTIFICATE

FIRST LANGUAGE OSHINDONGA HIGHER LEVEL

8305/1

PAPER 1 Reading and Directed Writing

2 hours 30 minutes

Marks 60

2017

Additional Materials: Answer Book

INSTRUCTIONS AND INFORMATIONS TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulau nenge onduudhe.
- Ino longitha okadhimitho komeya.
- Yamukula omapulo **agehe**.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

OSHIPOLWA SHA-A

Lesha uuhokololo mbuka tawu landula e to yamukula epulo 1 na 2.

Okaleshwa 1

Omiti

Ethelemuvo lya pita omiti ndhoka dha siikila evi okwa hokololwa kutya odha hanagulwa po shoka sha eta opo pu kale okwaathikapamwe komidhingoloko. Omakuti ohaga dhana onkandangala monkalamwenyo yomuntu, shaashi ohadhi tu pe omakwatho ngaashi iikuni, iiti, iikulya, omiti dhokupanga, omuzile pethimbo lyokwenye nombepo ombwanawa ndjoka hatu fudhile mo.

Omiti ohadhi gandja omalukalwa kiinamwenyo nosho wo kuudhila nohadhi tu pe ombepo ombwanawa ontalala nawa. Omiti ngele odha kana po, ipula owala kutya iinamwenyo ngaashi omayoka, iikoko, iiyengele, niinamwenyo ayihe yomokuti otayi ka kala peni? Yimwe omo ngaa tayi kala hayi ya momagumbo getu moka, yi konge omuzile, omanga yimwe tayi kana po thilu, e tayi kala ihaayi monika mo we momidhingonoko dhetu.

Uupyu nawo ohawu ngambekwa newatelo lyomiti omvula ohayi loko nawa uuna ehala li na omiti odhindji. Omahala ngoka ge na omiti odhindji ohaga kala ga talala nawa ge vulithe omahala ngoka ge na omiti dhi i li kokule. Okutsika omiti odhindji moondoolopa otashi tu watele kuupyu womatungo omale nosho wo koosamende dha longithwa mokutungo omatungo. Omuntu oho kala aluhe wu uvite uuntsa ngele wa kalelwa komiti nenge kiimeno.

Oshinima shimwe sha simana, osho omiti dhokupanga, ndhoka hatu kutha komiti. Aantu monale okwa li haya longitha iitopolwa oyindji yomiti, opo yi ipange yo yene komikithi dha yooloka. Omahangano ogendji monena ohaga longitha omaludhi iihemba ya za komiti nenge kiimeno mokuninga omagadhi gokugwaya, oothewa dhokuyoga nenge dhokwiiyoga nosho tuu.

lilongitho ya simana hayi zi momakuti omanene oyo iiti mbyoka aantu oyendji haya longitha okudhikitha omalukalwa gawo. Ohaya kutha ko wo iikuni mbyoka yi li iilongitho kwaa na we yesiku notayi tsikile okukala ya pumbiwa miilongo oyindji. Omiti ngaashi omiguya ohadhi tetwa po nelalakano opo aantu ya ka ninge iipilangi yokuninga iipundi, oombete, iitaafula nayilwe oiyindji. Komiti oko wo haku zi iilongitho oyindji ya simana yomaudhano, nohadhi longithwa okuninga oombapila dhokushanga osho wo oombapila ndhoka hadhi longithwa muundjugo wokwiiwatela. Omiti odhindji ohatu vulu oku dhi kaleka po, ngele aantu ya kaleke elongitho olindji lyoombapila, e taa kala olundji haa longitha iikwatekinolohi ngaashi, ookompiuta, oongodhi dhopeke nosho tuu mokuninga omakwatathano.

Omiti odha simana ishewe oshoka ohadhi gandja ongushu komagumbo nomatungo getu gi ili nogi lili. Ongushu yegumbo ohayi londo pombanda ngele egumbo oli na iikunino ya silwa oshimpwiyu. Ohadhi gandja wo ombepo ontalala nawa kegumbo notashi ku hupithile sha mondjato, opo waa longithe iimaliwa oyindji mokulanda omashina gokutalaleka ompepo.

Okuteta omiti ohaku yono uunshitwe, unene kombinga yiinamwenyo ngaashi uudhila mboka hawu ningi omalukalwa gawo komiti, nongele nee omiti odha tetwa po, nena iinanwenyo mbika ohayi thimimikwa yi thige po omalukalwa gayo nokuya komahala gokokule, shono hashi eta nokuli yaa monike po we pomudhingoloko ngoka. Omiti odho wo hadhi gandja omizile kiinamwenyo, onkee ngele odha tetwa po iinamwenyo otayi tembuka po pehala ndyoka.

Ekanopo lyomiti otali yono onkalo yombepo pamikalo odhindji, shaashi omiti odho hadhi gandja omuku gwomeya mombepo ngoka ihaagu vulu okupingenwa po na sha. Ohadhi gandja wo omuzile ngoka hagu kaleke po uututo mevi. Omiti odho wo hadhi tu pe ombepo ndjoka hatu fudhile mo ya yela nawa, ndjoka ya pumbiwa kukehe oshinima shi na omwenyo kombanda yevi. Omiti ngele odha kana po, nena oombepo dhomewangandjo otadhi indjipala newangandjo otali pupyala, sho tashi etitha omikithi kaantu ngaashi, okaankela yokoshipa nenge oshipa tashi nyu.

Omvula ngele ya loko ndele ope na omiti, ohadhi nina po omeya noku ga pungula momidhi dhago, ashike ngele odha tetwa po, omeya otaga kunguluka, shaashi kape na shoka tashi keelele omeya. Shika otashi vulu kweeta efundja kiitopolwa yimwe, omanga kiikwawo oshikukuta.

Omahangano gomuuyuni, ligwana yaHangana nOmbaanga yUuyuni odha tula miilonga oopoloholama dhokukeelela eyonagulo nehanagulo lyomiti unene miilongo mbyoka opo tayi putuka. Oompango nomalandulathano gokuteta omiti, odha pumbwa okutulwa miilonga, opo ku keelelwe omaupyakadhi ngoka haga etwa po ketetepo lyomiti.

Okweeta po ehala pakuteta po omiti naku keelelwe, opo ashike ku hulithwe po omukundu gwehanagulopo lyomiti. Uunene woofaalama nawu ngambekwe opo dhaa tetithe po we oomwaalu gomiti ogundji.

Omiti opo dhi tonatelwe nawa, naku longithwe uuyelele wopashitukimbepo (satelite) okukonakona iitopolwa mbyoka ya tetwa omiti, opo omapangelo ga katuke oonkatu dhomondjila, ndhoka tadhi kaleke po omiti muuyuni. Naku tulwe miilonga omukalo gwokukuna omiti mpoka pwa tetwa dhimwe. Muuzilo waAsia, iilongo oya tula omukalo nguka miilonga nogwi indjipala kashona nakashona. Pokati ko-2000-2005, omiliyona yimwe yoohekta dhomakuti muAsia, ndhoka dha li dha yonwa po, odha galulilwa po ishewe.

Omiti ohadhi tu pe ombepo yokufudhila mo, onkee inadhi pumbwa okutetwa po. Omuntu okwa pumbwa aluhe okukuna nenge okutsika omiti pehala mpoka e li, opo ku gandjwe onkalamwenyo ombwanawa kuunona wetu nokomapupi tage ya.

Okaleshwa 2

Embugaleko

Oshititatu shuuyuni osho ombuga nenge etatambuga. Okwa tengenekwa kutya epupyalo lyewangandjo otali indjipalekwa keyindjipalo lyonkalo yombepo yomombuga lwoopelesenda omulongo naheyali pethelemuvo tali landula. Embugalo otali lundulula ombuga yi kale itaayi eta po sha nonando oya li hayi eta iilikolomwa. Pehala opo, pu holoke ombuga ohashi etwa kiinima oyindji ngaashi, uulithilo wa pitilila, elongitho lyoomboola, okulonga uunamapya, etekelo lyiimeno papuko, oomina, nokufula omalambo molwehumokomeho.

Uulithilo wa pitilila ohau eta unene embugaleko muuyuni auhe, oshoka iimeno yomombuga ohayi lika po kiinamwenyo ngaashi, oongombe, oondoongi, iikombo osho wo iinamwenyo yimwe mbyoka tayi adhika moshitopolwa shoka. Monale aaniimuna oya li haa ende niimuna yawo taya kongo uulithilo nomeya, ihe nena otaku longithwa oondhalate, moka hamu tulwa iiyamakuti. Iimuna ihayi ethwa yi inyenge nemanguluko nohashi eta eguguko, ano uulithilo wa pitilila.

Elongitho lyoomboola dhi li moofaalama nasho otashi eta uulithilo wu guguke po thiluthilu, oshoka iinamwenyo ohayi kala ya gongala poomboola notayi mbugaleke ehala mpoka yi li.

Okuninga uunamapya otaku etitha embugaleko muuyuni. Aanafaalama ohaya longo unene evi nayi shono tashi kutha evi uuhoho nokuza mpono evi otali tutuka niimeno itayi mene we nawa. Aantu ohaa tete po omi noku dhi longitha ongiikuni. Omi adhihe ngele odha tetwa po itapu kala we sha tashi gamene evi, onkee evi otali ningi ontsi notali pepwa po kombepo. Ontsi ohayi vulu nee okweeta omikithi dhokomapunga ngaashi, oasma, OTB nomikwawo.

Miitopolwa yimwe otamu adhika aanafaalama taa tekele iimeno papuko. Okutekela kwa tya ngeyi otaku ningi evi oshimongwa, unene tuu miitopolwa mbyoka yaa na iimeno. Aanafaalama ohaya fulu omikanka mokutekela iimeno nokulongitha omikalo dhimwe omiwinayi dhokutekela, omolwompumbwe yomeya. Epolele lyomeya okweenda momikanka li li ngeyi ohali eta oshimongwa shi tutume mevi.

lilongo niilongo sho tayi ende tayi koko mehumokomeho, otayi eta omalunduluko notashi etitha embugaleko. Oshilongo ngele otashi tungu, omahala ogendji ohaga kokolwa, opo pu tungwe omatungo ngaashi oofaabolika, omandiki, oombelewa. Ohapu fulwa wo omalambo, opo mu tulwe ominino dhomeya, iiyagaya, oongodhi dhomalusheno noshu wo oondama dhiiyekelwahi. Aantu mboka ya adhika pehala mpoka oye na okutembudhwa ya ka kongelwe omalukalwa gamwe gi ili. Ano komukalo gwa tya ngaaka evi otali mbugalekwa notali pepwa po nuupu kombepo nokukungululwa po komeya. Oondoolopa tashi vulika wo dhi adhike kefundja, oshoka oondjila dhomeya odha thitikwa. Omi dhomihongo ndhoka haku hokololwa dha li ko hadhi longithwa mokuninga omitenge nokutunga oongulu, paife odha kana po, sho dha fundulwa po komambakumbaku mokuninga oondjila nuupale woondhila.

Omvula ngele oya loko, ihe kape na omi pehala mpoka, omeya ohaga kunguluka gu uka momatale nomomilonga moka, go taga faalele mo ihe oombakiteli adhihe tathi adhika mpoka. Shika otashi vulu okweetela kehe ngoka te ke ga longitha omikithi ndhoka hadhi zi momeya ga kaka oshoka kape na shoka tashi ga keelele. Tashi vulu wo okweeta efundja kiitopolwa yimwe, omanga kuyimwe oshikukuta.

Ope na oshinima shoka shokufula omalambo, ngoka haga kuthwa omavi taga landithwa kwaambo taa tungu omagumbo noongeshefa. Oshinima shika ohashi yonagula evi nomiti adhihe dha adhika mpoka ohadhi fulwa mo noihapu vulu we okumena omi nenge iimeno. Ohapu kala ashike omalambo ngoka haga etitha nokuli evi li kungululwe po komeya. Evi ohali ende tali kanitha omutungilo gwalyo nondjala otayi ya.

Omalambo gamwe ngaashi gokufula oomina ohashi mbugaleke evi, oshoka oomina ohadhi longitha omahala omanene ngaashi unene ndhoka dhomahooli nomakalamanya. Omiti niimeno yopehala mpoka ohayi si po kuuzigo, mboka hau zi mookemikala ndhoka hadhi longithwa mokukutha mo iikwamina mevi ndele ehala tali mbugala. Iiyagaya mbyoka hayi zi moomina ohayi kakeke omudhingonoko nokudhipaga po iimeno ayihe tayi adhika po.

Omahala ngono ge na iita noluhepo ogo unene haga kwatwa kondjala, oshoka olundji ihaga mono omvula ya gwana. Ohamu holoka oshikukuta molwashoka evi inali silwa we oshimpwiyu, lyo ishewe ohali yonuka komauzigo giikuti noomboma ndho hadhi longithwa miita. Pamukalo gwa tya ngeyi omi otadhi hanagulwa po niikulya ohayi pumbu molwashoka evi nande li longwe, ihali eta we eteyo ewawawa. Ompumbwe yiikulya ohayi eta nduno omanyutu muunona nokwaakoka nawa. Omikithi wo ngaashi eshonopalo lyombinzi molutu (Anemia) neliko lyoshilongo ohali gumwa, shaashi aantu oye na okupewa omakwatho gopaunamiti nokuhawalekwa iikulya yoshikukuta molwondjala.

Embugaleko opo li keelelwe, opwa pumbwa okuningwa omikalo dhi ili nodhi ili ngaashi, kombinga yaanimuna oya pumbwa okushonopeka omaulithilo, opo iimeno yi vule okumena nawa nokukoka. Naku longithwe omukalo gwokusiiikila evi nomafo nenge nihenguti, opo ku shonopekwe epwiino lyomeya mevi.

Omukalo omwaanawa gwokukeelela embugaleko okusila evi ndyoka Iya kukuta oshimpwiyu opo kaali ninge ombuga. Aantu naa ethe evi li igalulile uuhoho manga inali ningwa oofaalama dhomaulithilo.

Evi lyetu, uuyamba wetu, onkee otwa pumbwa oku li sila oshimpwiyu.

- 1 Owa lesa uuleshwa tawu popi omi nembugaleko. Ngongela kumwe iilanduli yetetepo lyomiti nembugaleko muuleshwa mbuka uyali.

Shi ninga niitya **250 – 300**.

[20]

- 2 Poomvula ndhino oshilongo shetu Namibia oshi li muupyakadhi woshikukuta omolwomvula ndjoka ihaayi loko ya gwana. Oshitopolwa shaPuwo osho unene sha dhengwa sha lila koshikukuta, unene tuu iimuna. Ngoye owu li omutoolinkundana gwoshifokundaneki sho “The Namibian”, owa li wa talele po koshitopolwa hoka, wu tale onkalo yiimuna nkene yi li. Nyola olopota koshifokundaweki sheni, u lopote shoka wa ndhindhilike konkalo ndjoka.

Shi ninga niitya **250 – 300**.

[20]

OSHI TOPOLWA SHA-B

Omuwambo oha ti oshawanawa ihaku tiwa landa, ye ta ti ishewe iipindi omomeho. Iipindi oya ninga iiningwanima yesiku kehe moshilongo shetu. Pethimbo lyiipindi nenge lyomapindikathano aantu ohaa mbomboloka okuza komahala nomahala goshilongo, piishiindalongo nokiilongo yokombanda yomafuta, opo ye ye ya ulike iilikolomwa yawo yi ili noyi ili iipe, opo ya ndulukwa nenge inaayi monika mo nale mehala moka. Muuyuni wonena mpoka pe na omapindikathano, opo tapu adhika ehumokomeho lyeliko nolyomudhingoloko nosho wo koshilongo ashihe. Aapindiki mbaka ohaye ya nee ye tu ulikile nkene iipindi yawo hayi longo nenge hayi longithwa.

- 3** Ngoye ou li Mayola/Omukuluntuwikili gwondoolopa yontumba. Nyola oshipopiwa shetaambo lyaayenda yiipindi mondoolopa yeni, u ya yelithile esimano nomalalakano giipindi.

Shi ninga niitya **250 – 300**.

[20]

BLANK PAGE

BLANK PAGE